

البولس

## تسالونيكى الأولى

## حياة مقدسة في الضيقات

حياتنا مع ربنا يسوع مختلفة ... حياة مقدسة ... و الدنيا حوالينا غالباً مش هاتقبل أفكارنا بل ممكن تضطهدنا ... إحنا المفروض نتمسك بربنا و بوصاياه, و ماننتخلص أبداً عن محبتنا لكل الناس ... و نعيش على رجاء القيامة و الأبدية السعيدة

طبعاً الملخص ده لا يغني أبداً عن الوعظ و التأملات العميقة في كلام الكتاب المقدس ... دي محاولة بسيطة لتقديم ملخص بسيط للأسفار

عن السفر



عدد الإصحاحات: 5

السفر موجّه لمين؟ لأهل تسالونيكى (في اليونان) اللي بشرهم القديس بولس في [رحلته التبشيرية الثانية](#) (أعمال الرسل 17)

ظروف الكتابة: ?


الرسالة دي من أول الرسائل اللي كتبها القديس بولس ... كتبها سنة 51 من كورنثوس أثناء رحلته التبشيرية الثانية

هدف السفر: ✓

- إن القديس بولس بتواصل ثاني مع كنيسة تسالونيكى بعد ما قال له تلميذه تيموثاوس إنهم ثابتين في الإيمان رغم الاضطهادات
- الهدف الرئيسي هو تصحيح فكرة المجيء الثاني (إن مش شرط ربنا يسوع يبجي ثاني بسرعة لكنه أكيد جي و إحنا عايشين على رجاء القيامة)

مفاتيح فهم السفر: ✓

- كنيسة تسالونيكى كانت كنيسة تتعرض لاضطهادات و مقاومات كبيرة من اليهود اللي هناك (اللي طردوا بولس و سيلا من المدينة و طاردوهم كمان إلى مدينة بيرية القريبة من تسالونيكى)
- كمان الموضوع دخل في السياسة و بقى فيه تهمة لكنيسة تسالونيكى إنها بتقاوم قيصر لأنها بتقول إن يسوع هو الملك





## الكنيسة المجاهدة الصابرة في انتظار العريس السماوي

## تشجيع للثبات في الإيمان

إصحاح 1 ل 3

أهل تسالونيكي كانوا سبب تعزية للقديس بولس بسبب إيمانهم و محبتهم و ثباتهم في الضيقات

[تفاصيل أكثر](#)

## تشجيع للنمو في الإيمان

إصحاح 4 و 5

القديس بولس يبشّج الكنيسة إنها تكمل جهادها على كلام و وصايا ربنا يسوع

[تفاصيل أكثر](#)

## صور السفر



## # 1: تشجيع للثبات في الإيمان



- **إصحاح 1** يتكلم عن **قوة إيمان كنيسة تسالونيكى**
  - آية 1 ل 5 يبدأ القديس بولس بصلوة شكر لربنا على إيمان و رجاء و محبة كنيسة تسالونيكى
  - آية 6 ل 10 ييركزوا على تحوّل رائع لأهل كنيسة تسالونيكى من عبادة الأوثان إلى عبادة الله في المسيح ... و طبعاً إحنا فاهمين إن الكنيسة كان معظمها من الأمم لأن معظم اليهود قاوموا البشارة
- **إصحاح 2** يتكلم عن **خدمة القديس بولس في تسالونيكى**
  - آية 1 ل 12 عن طريقة القديس بولس إنه عاملهم زي أولاده و هم عاملوه كأبوهم الروحي ... حتى مريض يتقل عليهم مادياً باحتياجاته (رغم إن ده حق) بل كان بيعمل بجانب خدمته عشان يعرف يعيش
  - آية 13 ل 16 عن الاضطهادات و الضيقات اللي هم فيها و إن ربنا يسوع نفسه واجه نفس الضيقات (خاصته لم تقبله بل صلبوه) و نفس الكلام للقديس بولس نفسه (رفض اليهود له) و نفس الكلام لكنائس أورشليم و اليهودية (اضطهاد اليهود ليهم)
- **إصحاح 3** يتكلم عن **اطمئنان بولس على كنيسة تسالونيكى من خلال تلميذه تيموثاوس**
  - آية 1 ل 10 يشجع القديس بولس كنيسة تسالونيكى بأنهم فرّحوه باحتمالهم .. لقا قلق عليهم و بعث لهم تيموثاوس بطمئن هل هم ثابتين في الإيمان ولا لأ ... و رجع تيموثاوس بتشجيع للقديس بولس إن الكنيسة ثابتة على إيمانها و محتملة للتجارب
  - آية 11 ل 13 صلاة لأهل تسالونيكى إنهم ينموا أكثر و أكثر في الإيمان و المحبة

## نتعلم إيه؟

ما أجمل و أبهج الكنيسة الصابرة و المحتملة للضيقات و الاضطهادات ... فرحة لقلب ربنا طبعاً و لقلب رعاتها و قلب كل الكنائس

— 🙏 يا رب خاينا نتعلم من الكنائس اللي رغم كل الضيقات و المصاعب طابرين و شاكرين و متمسكين بيك

## # 2: تشجيع للنمو في الإيمان



- **إصحاح 4** يتكلم عن **نصائح مهمة في الحياة الروحية**
  - آية 1 ل 8، عن ضامة القداصة الحسنة و الأعداء، إلخ

- آية 9 ل 12 عن أهمية **المحبة و الخدمة** ... و إننا لازم نشتغل بجد و اجتهاد عشان مانتقلش على الكنيسة أو نكون عبء عليها بل بالعكس، نساعد إخواننا المحتاجين  
و الوصية دي مهمة للكنيسة هناك لأن انتظار مجيء ربنا مش معناه إننا مانشتغلش في الدنيا
- آية 13 ل 18 عن القيامة ... آيات معزية إن من ساعة قيامه ربنا يسوع، قد صار **ليس موت لعبيد الله بل هو انتقال** ... رقود في انتظار الأبدية السعيدة ... و بيستخدم القديس بولس تشبيه في زمنهم عن إزاي إنه لو القيصر رايح مدينة هايبعثوا سفراء منهم يستقبلوه ... بنفس الطريقة القديسين اللي سبقونا هايبقوا هم سفرائنا اللي هايبدأوا باستقبال ربنا يسوع في مجيئه الثاني على السحاب

#### • إصحاح 5 يتكلم عن **حياة السهر الروحي**

- آية 1 ل 11 عن الدينونة ... الإمبراطورية الرومانية كان اعتقادها إن السلام و الأمان بييجوا من قيصر عن طريق الحكم العسكري ... لكن القديس بولس يقول إن يسوع هاييجي ثاني كملك في يوم ماحدش عارفه و يجازي كل واحد حسب أعماله ... و ده يوم فرح للكنيسة و مصدر رجاء ليها و لكل واحد مستعد ... بينما يوم صعب جداً على من لم يستعد
- آية 12 ل 22 فيهم بعض النصائح الختامية لأهل تسالونيكى
- آية 23 ل 26 بيختم القديس بولس الرسالة زي ما بدأها بصلوة، إن ربنا يحفظ كنيسة تسالونيكى و يقدهم إلى يوم مجيئه

### نتعلم إيه؟

الطريقة الوحيدة اللي نقدر بيها نصبر في الضيقات هي رجائنا و يقيننا بمجيء ربنا يسوع عشان ياخذنا معاه في الأبدية السعيدة

— 🙏 يا رب إدينا نعيش مستعدين لهذا اليوم عشان يكون يوم فرح لنا ... ننمو في كل عمل صالح و نعيش في تقوى و عفاف و محبة

### أهم الآيات

## آيات تلخص السفر

و كيف رجعتم إلى الله من الأوثان، لتعبدوا الله الحي الحقيقي، و تنتظروا ابنه من السماء، الذي أقامه من الأموات، يسوع، الذي ينقذنا من الغضب الآتي

— تسالونيكى الأولى 1 : 9 و 10

هم قبلوا كلام الإيمان و الروح القدس رغم الصيقات و رغم إن البيئة المحيطة بتاعتهم كلها نجاسات و عبادة وثنية  
ده طبعاً كلهم كثير: طرد من عائلاتهم، نظرة احتقار من المجتمع ... لكن محبة ربنا يسوع و رجاء الحياة الأبدية يستحق التضحية

هكذا إذ كنا حائنين إليكم، كنا نرضى أن نعطيكم، لا إنجيل الله فقط بل أنفسنا أيضاً، لأنكم صرتم محبوبين إلينا

— تسالونيكى الأولى 2 : 8

ما أروعك يا قديس بولس ... خادم قدوة و مثل أعلى في محبة المخدومين و بذل الذات من أجلهم اقتداءً بربنا يسوع ... آية لازم تكون قدام كل خادم عن معنى الخدمة كمحبة فيها تعب و بذل، و ليست سيطرة أو منصب

من أجل هذا إذ لم أحتمل أيضاً، أرسلت لكي أعرف إيمانكم، لعل المجرب يكون قد جربكم، فيصير تعبنا باطلاً

— تسالونيكى الأولى 3 : 5

بنشوف الكلام ده في أعمال الرسل 17 : 15 ... لما بولس سبق على أثينا بينما تيموثاوس رجع يطمئن على كنيسة تسالونيكى  
القديس بولس هنا بيعطينا درس في الخدمة ... مش بس سلمهم الإيمان، بل بيتابعهم باستمرار عشان مايجيش الشيطان يشكهم في الإيمان بسبب التجارب، فيضيع إيمانهم و يبقى تعب بولس راح على الفاضي

ثم لا أريد أن تجهلوا أيها الإخوة من جهة الراقدين، لكي لا تحزنوا كالباقين الذين لا رجاء لهم

— تسالونيكى الأولى 4 : 13

طبيعي إننا لقا بيموت حد من حبايبنا بنزل ... و بيكون أهم سؤال عندنا: يا ترى مصيره و مصيرنا إيه؟  
قيامه ربنا يسوع المسيح و انتصاره على الموت قلب الموازين ... بقى الموت اشتها و فرح و انتقال و حرية من قيود الجسد ... ولا حتى الموت يقدر يفصلنا عن محبة ربنا يسوع المسيح  
و الأکید إننا هانتجمع تاني مع حبايبنا في القيامة عند مجيء ربنا يسوع المسيح التاني

فلا نَنَم إذاً كالباقين، بل لنسهر ونصُح

— تسالونيكى الأولى 5 : 6

فكرة المجيء التاني من الأفكار اللي سهل تغيب عن بالنا في زحمة و دوشة الدنيا ... لكن لازم نفكر نفسنا و بعض بيها على طول ... ربنا يسوع هايبجي و يدين الأرض و يعطي كل واحد حسب أعماله ... لازم نسهر و نستعد زي العذارى الحكيمات

## تفسير بعض الآيات

متذكرين بلا انقطاع عمل ايمانكم و تعب محبتكم و صبر رجائكم ربنا يسوع المسيح

— تسالونيكى الأولى 1 : 3

نقدر نقرا تأمل على الآتية دي [هنا](#)

فإنكم أيها الإخوة صرتم ممتثلين بكنايس الله التي هي في اليهودية في المسيح يسوع، لأنكم تألمتم أنتم أيضاً

— تسالونيكى الأولى 2 : 14

مافيش مجتمع المسيحي هايعرف هايعيش فيه مراتح بدون اضطهاد ... المجتمعات اللي عندها إيمان بعقائد أخرى هاتضطهد المسيحية كهرطقة (لليهود عثرة) و المجتمعات اللادينية اللي بتعتمد على العقل و الحكمة البشرية هاتسخر من المسيحية (لليونانيين جهالة)

و الرب ينقيكم و يزيدكم في المحبة بعضكم لبعض و للجميع

— تسالونيكى الأولى 3 : 12

لسة القديس بولس بيشيد بإيمانهم و محبتهم ... لكن الحياة الروحية كده: نمو دائم ... ماينفعلش حد يقول أنا كده كويس خلاص

لأن هذه هي إرادة الله: قداستكم. أن تمتنعوا عن الزنا

— تسالونيكى الأولى 4 : 3

غريب جداً إننا في وقتنا ده بنسمع في مجتمعات المفروض إنها مسيحية و أماكن بتسمي نفسها كنايس إن الزنا هو حرية شخصية و مش خطية ... الآتية واضحة جداً و واضح جداً تعليم ربنا يسوع إنه بيكره هذه الخطية جداً  
و مجتمع تسالونيكى كان فيه إباحية كبيرة و عبادة أوثان عشان كده النصيحة دي مهمة للكنيسة هناك جداً عشان يقدرُوا يقاوموا الانحراف وراء ثقافة مجتمعهم

افرحوا كل حين، صلوا بلا انقطاع. اشكروا في كل شيء

— تسالونيكى الأولى 5 : 16 ل 18

نقدر نقرا تأمل على الآتية دي [هنا](#)



- موقع [The Bible Project](#)
- وعظات أبونا داود لمعي من [برنامج فتشوا الكتب](#) أو من [المكتبة الصوتية على موقع كنيسة مارمرقس](#)
- موقع [القديس تكلاهيمانوت](#)